

Gvangjsih Minzcuz Bau

Cawiguenj: Gvangsijh Bouxcuengh Swcigih Minzcuz Cunghgvau Swvu Veijvenzvei

Cawibanh: Gvangsijh Minzcuz Bause

Geiz neix 8 bani

广西民族报 Aenhauh okbanj: CN45-0036 B.2025 Nd.4 Ng.9 Liggaueq ietceih nienz ndwensam cibngeih Geizsoq: Gungh daih 3663 geiz

Gvangjsih Ndaem Cazyouz Najdieg Cunggvaq Cien Fanh Moux

Mboengqneix, swcigih mizgven bouhmonz lwnh vunzlai rox, bi 2024, gih raeuz ndaem cazyouz najdieg daengz 1050 fanh moux, cazyouz baenz mak 275 fanh dunh, gyonj baenz cienz daih'iek 630 ik maenz, najdieg ndaem, baenz mak, baenz cienz cungj baiz youq daengx guek baihnaj sam mingz, daiqdoengh daengx gih 150 fanh boux bouxguhnaiz lai ndaej ngaenz roengz daeh.

Swcigih Dangjiveij, Cwngefuj cienzmienh doekguh aen canloz baijbouh guekgya gyavaiq guh cazyouz, gonqlaeng guh aen dajveh cazyouz "song cien" couh dwg "najdieg cien fanh moux, baenz cienz

cien ik maenz" caeuq aen hengzdoengh sam bi gyavaiq guh cazyouz, doinyoengx cazyouz lai ndaem lai baenz, baenz aen hung lai ndaej cienz. Bi 2024, daengx gih gungh ung din cazyouz ndei 1.8 ik go, guh sat ndaem cazyouz cau ndoeng moq 88 fanh moux, gajcauh ndoeng cazyouz baenz mak noix 45 fanh moux, faenbied ciemq aen yinvu dajveh guekgya roengz de 105.3%、100.5%. Daengx gih cazyouz baenz mak cungjsoq doengzbeij lai hwnj 34%.

Geij bi neix daeuj, Gvangsijh dawzmaenh aeu aen leixniemh bienq gunghyez bae guh cazyouz, gauq canjyez daihngieih ragdoengh canjyez

daih'it, coihaeuj canjyez daihsam, lai haeujcoengh giyez bonjdieg caeuq-faenh gij hong doigvangq ndaem loh cazyouz moq ndei, mak cazyouz gyagoeng baez nduj caeuq yocang, gyagoeng baenz huq ndei caeuq cau-laeb binjbaiz miz daegsaek. Seizneix, daengx gih bi canjnwngz 1000 dunh doxhwnj aen giyez gyagoeng cazyouz miz 30 aen baedauq, nyinhdingh guekgya gaep, swcigih gaep cazyouz giyez lingxdaeuz miz 10 aen baedauq, gveihmoz doxhwnj giyez miz 6 aen, bienqbaenz gij rengz gvanhgen doinyoengx canjyez hwngfat. Bi 2024 cazyouz canjyez gungh baenz cienz doengzbeij lai hwnj 36%.

Gvangsijh coihdingh okdaiz 《Aen Ceijnamz Dinfwngz Guenjuh Fukhab "Cazyouz + N" 》, doinyoengx "dieg ndeu lai baenz, lai baenz lai ndaej cienz". Youq Yilinz Si Yicouh Gih Dadangz Cin dieg ndaem cazyouz, dangdieg aeu go cazyouz vahom daeuj ndaem, doenggvaq semzndaem, guh baenz ndaem ndaej biucinj, yungh gihgai guh, gohyoz guenjho. Aeu "cazyouz+go" gviq" gunghanq hopgeiz 8 bi gujsuenq, aen vunqsik neix 8 bi gyonjgyoeb moux baenz cienz 6.99 fanh maenz, caeuq dan ndaem cazyouz doxbeij moux lai ndaej cienz 6000 maenz.

(Cangh Yibinh Hoz Yenyenz)

Bwzswz Si Guh Ciet Baeyouz Minzsuz Vwnzva Baeuqroxdox Bi 2025

3 nyied 29 hauh daengz 4 nyied 6 hauh, ciet baeyouz minzsuz vwnzva Baeuqroxdox Bwzswz Si youq Bwzswz Si Denzyangz Gih guh, haujlai bouxhek caeuq vunz bonjdieg daeuj doxcomz, yawj gij fungsug daegbied gagmiz Mbanjcuengh.

Baez ciet neix cawjdaez dwg "doxcomz goekdaeuz vwnzva Baeuqroxdox, caez hoh sam nyied sam Denzyangz Gvangsijh", gya-haeuj feihyiz, doxbeij dinfwngz, gijgwn ndei doengh gij neix, laeb aen daizheiq hauj minzcuz vwnzva caeuq ciuzlouz daihneix doxcomz.

Mboengq guh saeh, ciuhgeq caeuq daihneix doxdaemj ok gijndeiz daegbied. Mwh guh hoih dongfeiz, fwen Bouxcuengh caeuq

Dizswghoh caemh foux; mwh guh ciet ciengqgo laeujbizciuj bingj doxgaiq, doih ciengqgo ciuzlouz dap gijgwn ndei miz daegsaek Denzyangz, hauj byailinx caeuq da rwz cungj gvaqyinx liux; haemh yienjheiq "haemh Baeuqroxdox" goengbouh AI coenghrenez vwnzva, aeu minzsuz ciuhgeq caeuq gohgi daihneix doxyungz, bouxyawj yawj dingq gvaqyinx lai.

Linghvaih, Denzyangz Gih lij guh yienghsaeh gaiqcawx hauj leih hauj cienz dem, hau feihyiz baij gijgwn ndei caeuq huq fwnz guh lailang, laebnda seiz biujyienj miz daegsaek caeuq doxdoeng doxgangj, coenghrenez deihfueg vwnzva swncienz caeuq ginghci hwngfat hoenghhwd.

(Cinz Veifungh Couh Gyahgunj)



▲Mwh guh ciet, boux gai doxgaiq gausau aen swx hauj bouxhek.

Gvangjsih Sam Nyied Sam Vwnzlij Hawciengz OKyienh Sam Aen Daegdiemj

Mboengqneix Swcigih Vwnzva Caeuq Lijyouz Dingh lwnh gyoengqvunz rox, bi 2025 mboengq ngoenzgyaj Gvangsijh Sam Nyied Sam, daengx gih vwnzlij hawciengz yinhhengz onjdingh, yienghsaeh vwnzva lai cungj lai yiengh, vunz baeyouz lailang, siuhfei hawciengz hoenghvuengh. Gak dieg gak bouhmonz hopheux "bi baeyouz Gvangsijh" "Gvangsijh Sam Nyied Sam • aen ciet angq Bazgvei"

yienghsaeh vwnzva lijyouz lai cungj lai yiengh, yinx ndaej haujlai bouxhek caeuqfaenh vwnzlij hawciengz baenz yiengh doxbae hoenghhwd.

Mboengq ngoenzgyaj Gvangsijh vwnzlij hawciengz okyienh sam aen daegdiemj: It dwg vwnzva swncienz caeuq cauhoq laebdaeb hauj baeyouz lai miz neihan. Ciuhgeq caeuq daihneix dox giethab, vunzgihi yienghvunz AI "Liuz Sanhcej" caeuq fwenvuengz Gvangsijh yienj doiqfwen

hauj haujlai vunz haeujrwz, aen hau feihyiz comz haujlai feihyiz hanghmoeg. Mancuengh, aennyenz doengh gij feihyiz hanghmoeg neix angda raixcaix, bouxhek haeujgyawj roxnyinh gij yinxdaeuz feihyiz vwnzva. Ngeih dwg gyalai gunghawj huq ndei hauj bouxhek ndaej senjleh engq lai. Doiok lai aen cienlied "eu fwen youz Gvangsijh", fat mbaw gaj cienmonz siuhfei yawj yienjheiq "gaen yienjok youz Gvangsijh" doengh gij neix, yinx

bouxhek bae yawjngonz minzsuz caeuq heiq dangdieg daegbied gagmiz de. Sam dwg dauqcungz cau aen ciengzgingj siuhfei hauj bouxhek haeujgyawj bae yawjngonz youzset. Cau aen hau gwnz raemx, doiok huq "byailinx+faenzcauh", guh yienghsaeh ciet ndei "Gvangsijh hwnz hoenghhwd", vzyinzgih langhbaij eu fwen doengh gij saeh neix, guhhoengh siuhfei hawciengz.

(Liengz Banzswng)